

Zeitschrift: Nebelspalter : das Humor- und Satire-Magazin
Band: 91 (1965)
Heft: 31

Rubrik: Am Hitsch si Mainig

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 16.05.2025

ETH-Bibliothek Zürich, E-Periodica, <https://www.e-periodica.ch>



Am Sitsch fi Mainig



I hann im Sinn a Roman zschriiba. A Püntnar Roman. A Roman wo im Püntnar Oobarland dooba schpiilt. Dar Tital hanni schu. Ar haist: Die Sardinenfischer im Tavetsch. Dar Schtoff zu därre Gschicht isch nitt ärfunda, är isch passiert.

Im Tavetsch dooba gits a Fischarej-Varain. Nu a khliina, aswiaviil zwenzig Mennli. Und denna iarnas Hoobi isch halt zFischa. Dooba im Tavetsch sind abar au Elekhtrizi-täatswärkh vu dar Khraftwärkh Vordarrhii AG bbaut worda und wärdand no witar bbaut. Was abar passiert mit ama Bärgbach, wenn är in dKhlauna vunama Khraft-

wärkh khunnt? Ar höört uff mur-ma und ruuscha und siini Fisch mahand dar Ruggaschwumm. Für üüsari Tavetschar Fischar sind nu no a paar Bächli übrig plibba zum go fischa. Well abar alli Varainsmitgliidar iarni Würm nitt ooni Ärfolg in denna paar Bächli bbaadat hend, ischas bald färtig gsii mit da Fisch. Dua hätt dar President an dKhraft-wärkh Vordarrhii gschribba, sii se-andi an aarma Varain und wäärandi froo, wens a paar hundart Frenkhli khriaga teetandi, zum jeedas Joor Jungfisch in denna Bächli uussetza. Tiräkhzioon vu da Khraftwärkh hätt am President sofort zruggschribba, sii wäärandi gäära paraat, zum da Tavetschar Fischar zhälfa. Abar noch iarnar Khonzässioon sej zpüntnarische Juschtiz- und Polizejtepartament zua-schtendig. Also hätt dar Fischarej-President am Khliina Root gschribba. Und hätt au sofort Antwort khriagt. Ma welli dGrundlaaga für dFischarej-Entschädigunga prüa-fa. Denn tej zJuschtiz- und Polizejtepartament Aaträg schtella. Tavetschar Fischar söllandi no abitz Gedult haa, ma tej sii denn orientiara.

dFischar sind jo bekhannt, daß a Huufa Gedult hend. Dä Briafwäxal, vu demm ii varzellt hann, isch vor andarthalb Joora hii und häära gganga. Und sithäär nüüt mee. Geduldig schtöönd üüsari Tavetschar Fischar mit da Ruata an iarna paar übrig plibbna Bäch und sind froo, wens amool a lääri Sardiina-Büx ussa züühha khönnand. Villichtar wääris abar gschiidar, sii teetandi vor zGraua Huus abba schtoos und probiara, dött aswas ussa zzüühha – wenn nitt au dött alli Bächli uustrocknhat sind ...



Der Tee unserer Zeit – mit dem vollen exotischen Aroma.

MIDRO GmbH Basel 3

3

Wenn Rotwein - dann KAPWEIN

KAPWEIN SEIT 1659

K O-OPERATIEVE W IJNBOUWERS V ERENIGING
VAN ZUID-AFRIKA, BEPERKT, PAARL


Detailverkauf in den einschlägigen Geschäften. Auch Restaurants führen Kapwein.



Basel, Spalentor

Besuchen
Sie die

Swissminiatur



in Melide
bei Lugano

Stein am Rhein